



Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 32. Universitas Regi necessitatem extinguendi schismatis exponit.

[urn:nbn:de:hbz:466:1-66281](#)

& Anglos, ne alia negotia discuterentur, velut speciosum titulum obtinebant; ideoque ambo contendentes Papæ omni studio hoc bellum alebant, veriti, ne potentissimorum horum Regum reconciliatio in ipsorum incommodum cederet. Nihilominus Rex restituta pace precibus universitatis benigniores aures præbuit, & pulso e Galliis Abbate **S. Nicasii** edictum vulgavit, quo aurum omne, & argentum extra fines regni deportari interdictum erat. Primus supremæ Parisiensis Curiæ Præses Arnoldus de Corbeja Regis nomine justas Academiæ querelas Pontifici proposuit, rogavitque, ut imposterum ab ejusmodi exactionibus abstineret, quod & Clemens facturum se se promisit.

§. XXXII.

Universitas Regi necessitatem extinquenti schismatis exponit.

Eadem Universitas malis ex schismate obortis commota, Bonifa-

cium æque, ac Clementem sæculariorum Principum potentia fultos, unice id curare, ut quivis sibi Papatum affereret, ac idcirco tam suis Bullis, quam fuscitatis ulro citroque hostibus se invicem exagitare conspiciebat; unde ad restituendam Ecclesiæ pacem omnes suas vires impendere decrevit; Quapropter per suos deputatos iterato hanc caussam Regi exposuit, ac semel Doctor quidam, nomine totius universitatis perorans, unionis necessitatem, mala ex schismate enata, & Regum ac Principum ad tollendum illud obligationem, tanta verborum gravitate, ac rationum pondere exaggeravit, ut assidentium plurimi ad pedes Regis provoluti instantissime rogarent, ut pro revocanda Ecclesiæ unione regia sua auctoritate uti velit. Vicit tamen arcta nimis Regis amicitia, qua Clementem ex nupero colloquio Avenione habito impensius colebat, & quia Pontifex omnium, a quorum ore tunc temporis Rex pendebat, Procerum gratiam sibi demeruerat, omnes Universi-

veritatis conatus in irritum cesserunt.
Successu tamen temporis apparuit aliquia restituendæ pristinæ Ecclesiarum conjunctionis spes, opera duorum Carthusianorum, qui pietatis stimulis acti Romam petierunt, Bonifacium ad reddendam Christiano orbi pacem permoturi.

§. XXXIII.

Duo Carthusiani apud Bonifacium pacem Ecclesiæ urgent.

Duo Carthusiani erant, Carthusiæ Monach.
Astensis Prior nomine Petrus, & Anon.
D. Bartholomæus Ravennatensis, In- S. Dionys.
fulæ Gorgonæ, seu Margaritæ mari l. 12. c. 7.
Genuensi adjacentis Prior. Ambo p. 232.
Spicil. Dacher. tom. 6.
hi pietate insignes Viri deplorantes,
quod schismatis mala suum quoque
ordinem divexarent, eo quod Urbanus
VI, Guilielmo Raynaldo a Præpositi
dignitate exuto, Joannem Barensem,
alias Carthusiæ S. Bartholomæi in Campania Romana Priorem
intruserit, tandemque hujus ordinis
membra sub dupli Generali, quorum

i 3 unus